



სახელმწიფო შესყიდვების სააგენტო
STATE PROCUREMENT AGENCY

ფიჭური სატელეფონო მომსახურების 2016–2017 წლების კონსოლიდირებული
ტენდერის სატენდერო დოკუმენტაცია

2016 წელი 6 იანვარი

მუხლი 1. ზოგადი დებულებები

1.1 წინამდებარე სატენდერო დოკუმენტაცია შემუშავებულია „სახელმწიფო შესყიდვების შესახებ“ საქართველოს კანონის (შემდგომში - კანონი) 20² მუხლის, სახელმწიფო შესყიდვების სააგენტოს თავმჯდომარის 2012 წლის 26 დეკემბრის №18 ბრძანებით დამტკიცებული ფიჭური კავშირგაბმულობის მომსახურების კონსოლიდირებული ტენდერის ჩატარების წესისა და პირობების, აგრეთვე „2016-2017 წლებში ფიჭური კავშირგაბმულობის მომსახურების სახელმწიფო შესყიდვის კონსოლიდირებული ტენდერის საშუალებით განხორციელების თაობაზე“ საქართველოს მთავრობის 2015 წლის 3 დეკემბრის №2583 განკარგულების საფუძველზე.

1.2 სახელმწიფო შესყიდვების ერთიან ელექტრონულ სისტემაში რეგისტრირებული ყველა შემსყიდველი ორგანიზაცია ვალდებულია 2016-2017 წლების განმავლობაში ფიჭური კავშირგაბმულობის მომსახურების სახელმწიფო შესყიდვა განახორციელოს მხოლოდ ფიჭური კავშირგაბმულობის მომსახურების 2016-2017 წლების კონსოლიდირებული ტენდერის საშუალებით (შემდგომში - კონსოლიდირებული ტენდერი), ამავე ტენდერში გამარჯვებული პრეტენდენტისაგან, წინამდებარე სატენდერო დოკუმენტაციის პირობების შესაბამისად, გარდა კანონმდებლობით გათვალისწინებული გადაუდებელი აუცილებლობის შემთხვევებისა და უცხო ქვეყანაში საქართველოს შინაგან საქმეთა სამინისტროს, საქართველოს სახელმწიფო უსაფრთხოების სამსახურის და საქართველოს თავდაცვის სამინისტროს წარმომადგენლების, თავდაცვის ატაშეს, აგრეთვე საქართველოს დიპლომატიური წარმომადგენლობებისა და საკონსულო დაწესებულებების მიერ ფიჭური კავშირგაბმულობის მომსახურების შესყიდვის შემთხვევებისა და წინამდებარე სატენდერო დოკუმენტაციის 1.3 პუნქტით გათვალისწინებული შემთხვევებისა.

1.3 შემსყიდველი ორგანიზაცია არ არის ვალდებული როუმინგული მომსახურება შეისყიდოს მხოლოდ კონსოლიდირებულ ტენდერში გამარჯვებული მიმწოდებლისგან იმ შემთხვევაში, თუ სხვა კომპანიისგან როუმინგული მომსახურების სახელმწიფო შესყიდვა ხორციელდება გამარჯვებული მიმწოდებლის მიერ შემოთავაზებულ პირობებზე უკეთესი პირობებით. როუმინგული და მასთან დაკავშირებული მომსახურების სხვა კომპანიისგან შესყიდვის შემთხვევაში, დაუშვებელია როუმინგული და მასთან დაკავშირებული მომსახურების გარდა სხვა მომსახურებით სარგებლობა.

1.4 კონსოლიდირებული ტენდერის ფარგლებში შემსყიდველი ორგანიზაციები არიან სახელმწიფო შესყიდვების ერთიან ელექტრონულ სისტემაში (შემდგომში - სისტემა) „შემსყიდველად“ რეგისტრირებული მომხმარებლები.

მუხლი 2. შესყიდვის ობიექტი

წინამდებარე სატენდერო დოკუმენტაციით განსაზღვრულ შესყიდვის ობიექტს წარმოადგენს დანართით განსაზღვრული ფიჭური კავშირგაბმულობის მომსახურება, რომელიც უზრუნველყოფილი იქნება GSM, UMTS, LTE სტანდარტებით. აბონენტთა საორიენტაციო რაოდენობაა 280 000 აბონენტი.

მუხლი 3. კონსოლიდირებულ ტენდერში მონაწილეობის პირობები, გამარჯვებული პრეტენდენტის გამოვლენა

3.1 კონსოლიდირებულ ტენდერში მონაწილეობის მისაღებად დაიშვება მხოლოდ სისტემაში „მიმწოდებლად“ რეგისტრირებული მომხმარებელი.

3.2 კონსოლიდირებულ ტენდერში მონაწილეობის მიღება შეუძლია მხოლოდ იმ პრეტენდენტს, რომელიც აკმაყოფილებს შემდეგ პირობებს:

ა) უსადენო დაშვების ქსელის დაფარვის არეალი მოიცავს საქართველოს ტერიტორიის (გარდა „ოკუპირებული ტერიტორიების შესახებ“ საქართველოს კანონით გათვალისწინებული ოკუპირებული ტერიტორიებისა) გეოგრაფიული არეალის არანაკლებ 90%, ხოლო დასახლებული ტერიტორიის არანაკლებ 95%;

ბ) მობილური ქსელით წარმატებულად განხორციელებული ზარების პროცენტული მაჩვენებელი 95%-ზე მეტია, რაც დადასტურებული უნდა იქნას მიმწოდებლის მიერ;

გ) 2G/GSM ქსელის მიერ შექმნილი ველის დაძაბულობა მეტია ან ტოლია -90dBm-ის (მიმწოდებლის განცხადებული დაფარვის ზონის 95% ფართობზე);

დ) 2G/GSM ქსელის განცხადებული დაფარვის ზონის 90% ფართობზე სიგნალის ხარისხობრივი მაჩვენებელი (RX_QUAL) ნაკლებია 3.5-ზე (GSM ქსელისათვის);

ე) 2G/GSM ქსელის მიმწოდებლის მიერ განცხადებულ დაფარვის არეალში მონაცემთა გადაცემის სიჩქარის მაჩვენებელი უნდა იყოს, საშუალოდ, 128 კილობიტ/წამი;

ვ) 3G/UMTS ქსელის მიერ შექმნილი ველის დაძაბულობა მეტია ან ტოლია -95dBm-ის (მიმწოდებლის მიერ განცხადებული დაფარვის ზონის 90% ფართობზე);

ზ) 3G/UMTS ქსელის განცხადებული დაფარვის ზონის 70% ფართობზე სიგნალის ხარისხობრივი მაჩვენებელი (Ec/I0) მეტია ან ტოლია -8dB-ის UMTS ქსელისათვის.

თ) 3G/UMTS ქსელის მიმწოდებლის მიერ განცხადებულ დაფარვის არეალში მონაცემთა გადაცემის სიჩქარის მაჩვენებელი უნდა იყოს, საშუალოდ, 1,5 - 2 მეგაბიტ/წამი;

ი) 4G/LTE ქსელის (თუ კომპანიას გააჩნია აღნიშნული ტექნოლოგიის ქსელი) მიერ შექმნილი ველის დაძაბულობა მეტია ან ტოლია -97dBm-ის (მიმწოდებლის მიერ განცხადებული 4G/LTE დაფარვის ზონის 90% ფართობზე);

კ) 4G/LTE ქსელის (თუ კომპანიას გააჩნია აღნიშნული ტექნოლოგიის ქსელი) მიმწოდებლის მიერ განცხადებულ დაფარვის არეალში მონაცემთა გადაცემის საშუალო სიჩქარის მაჩვენებელი უნდა იყოს 3 - 5 მეგაბიტ/წამი.

3.3 პრეტენდენტმა სატენდერო წინადადებასთან ერთად, სისტემის მეშვეობით უნდა წარადგინოს შესაბამისი უფლებამოსილი პირის მიერ დადასტურებული 3.2 პუნქტის „ა“-„კ“ ქვეპუნქტებით გათვალისწინებული ინფორმაცია.

3.4 პრეტენდენტმა სატენდერო წინადადებასთან ერთად სისტემის მეშვეობით უნდა წარადგინოს ინფორმაცია სერვის-ცენტრებისა და მათი ადგილმდებარეობის (მისამართი) შესახებ.

3.5 გამარჯვებულ პრეტენდენტს უნდა ჰქონდეს ბლექბერის სერვისი (BES,BIS).

3.6 პრეტენდენტმა სატენდერო წინადადებასთან ერთად სისტემის მეშვეობით უნდა წარადგინოს:

- ა) საერთაშორისო გამავალი ზარების ტარიფები ფიქსირებულ ნომრებზე;
- ბ) საერთაშორისო გამავალი ზარების ტარიფები მობილურ ნომრებზე;
- გ) როუმინგის შემთხვევაში გამავალი ზარების ტარიფები;
- დ) როუმინგის შემთხვევაში შემომავალი ზარების ტარიფები;
- ე) SMS-ის საერთაშორისო ტარიფები.

3.7 კონსოლიდირებულ ტენდერში მონაწილეობით პრეტენდენტი იღებს ვალდებულებას, რომ მის მიერ სისტემაში ატვირთული 3.6 პუნქტის „ა“-„ე“ ქვეპუნქტებით გათვალისწინებული ტარიფები არ იქნება უფრო მაღალი, ვიდრე მისი საუკეთესო კორპორატიული წინადადება.

3.8 კონსოლიდირებულ ტენდერში მონაწილეობით პრეტენდენტი იღებს ვალდებულებას, რომ მის მიერ სისტემაში ატვირთული 3.6 პუნქტის „ა“-„ე“ ქვეპუნქტებით გათვალისწინებული ტარიფები თითოეული პოზიციის მიხედვით არ იქნება იმავე პრეტენდენტის მიერ CON150000012 კონსოლიდირებულ ტენდერში შემოთავაზებულ ტარიფებზე მაღალი, გარდა კონსოლიდირებული ტენდერში 3.6 პუნქტის „ა“-„ე“ ქვეპუნქტებით გათვალისწინებულ ტარიფებში ახალი ქვეყნის/ქალაქის/ოპერატორის (პოზიციის) არსებობის შემთხვევისა.

3.9 პრეტენდენტი კონსოლიდირებულ ტენდერში მონაწილეობით ავტომატურად ეთანხმება წინამდებარე სატენდერო დოკუმენტაციის დანართით განსაზღვრულ ფიქსური კავშირგაბმულობის მომსახურების პირობებსა და ტარიფებს.

3.10 კონსოლიდირებულ ტენდერში მონაწილეობისათვის მიმწოდებელმა უნდა გადაიხადოს კონსოლიდირებულ ტენდერში სატენდერო წინადადების წარდგენის საფასური – 5 000 ლარი. იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, ხელმეორედ გამოცხადებულ კონსოლიდირებულ ტენდერში შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების განმეორებით წარდგენის საფასური განისაზღვროს 500 ლარის ოდენობით. საფასურის გადახდა უნდა განხორციელდეს სისტემის მეშვეობით.

3.11 კონსოლიდირებული ტენდერი ტარდება სისტემის მეშვეობით.

3.12 სატენდერო წინადადებების მიღება იწყება 2016 წლის 10 იანვარს და მთავრდება 2016 წლის 12 იანვარს. სატენდერო კომისია სატენდერო წინადადებებს განიხილავს გონივრულ ვადაში და შედეგებს აქვეყნებს სისტემის მეშვეობით.

3.13 გამარჯვებული პრეტენდენტის სატენდერო წინადადება ძალაშია 2017 წლის 31 იანვრის ჩათვლით.

3.14 ფიქური კავშირგაბმულობის მომსახურების გაწევა უნდა მოხდეს 2017 წლის 31 იანვრის ჩათვლით.

3.15 კონსოლიდირებულ ტენდერში შესაძლებელია ერთზე მეტი გამარჯვებული პრეტენდენტის გამოვლენა.

3.16 კონსოლიდირებულ ტენდერში გამარჯვებულად ჩაითვლება ყველა ის პრეტენდენტი, რომლის სატენდერო წინადადება შესაბამისობაში იქნება სატენდერო განცხადებისა და სატენდერო დოკუმენტაციის მოთხოვნებთან. პრეტენდენტი არ არის შეზღუდული თავის სატენდერო წინადადებაში მიუთითოს ან შემდგომში დააწესოს უფრო დაბალი ტარიფები ან შესთავაზოს შემსყიდველ ორგანიზაციას გაუმჯობესებული პირობები, ვიდრე ეს განსაზღვრულია სატენდერო დოკუმენტაციით. საქართველოს კანონმდებლობით გათვალისწინებულ შემთხვევაში, შესაბამისი ტარიფების შეცვლისას, სატენდერო კომისია უფლებამოსილია მოსთხოვოს გამარჯვებულ პრეტენდენტს დანართის შესაბამის პუნქტებში მითითებული ტარიფების ცვლილება.

მუხლი 4. გამარჯვებულ პრეტენდენტებს შორის აბონენტთა გადანაწილების პირობები

4.1 ერთზე მეტი გამარჯვებული პრეტენდენტის გამოვლენის შემთხვევაში, აბონენტთა საორიენტაციო რაოდენობის გადანაწილება გამარჯვებულ კომპანიებს შორის მოხდება თანაბრად, გამარჯვებული პრეტენდენტების რაოდენობის პროპორციულად. საჭიროების შემთხვევაში, აბონენტთა საორიენტაციო რაოდენობაში თითოეული გამარჯვებული პრეტენდენტის წილის (კვოტის) შევსება შესაძლებელია გამარჯვებული პრეტენდენტის წილის არაუმეტეს 1%-ით გაზრდის პრინციპის დაცვით, გამარჯვებული პრეტენდენტის დასაბუთებულ შესაბამის მოთხოვნაზე 2016-2017 წლის ფიჭური კავშირგაბმულობის მომსახურების კონსოლიდირებული ტენდერის სატენდერო კომისიის (შემდგომში - სატენდერო კომისია) წინასწარი დასტურით. სატენდერო კომისია, საკითხის სახელმწიფოებრივი მნიშვნელობიდან გამომდინარე და ბიუჯეტის რაციონალური ხარჯვის პრინციპის გათვალისწინებით, უფლებამოსილია მიიღოს დამატებითი დამოუკიდებელი გადაწყვეტილებები.

მაგალითი: ორი გამარჯვებულის არსებობისას, თითოეული გამარჯვებული პრეტენდენტის წილი (კვოტა) არის აბონენტთა საორიენტაციო რაოდენობის 50% (საორიენტაციო რაოდენობა $280\ 000 * 50\ \% = 140\ 000$). თუ მიმწოდებელ „A“-ს უკვე გადანაწილებული აქვს 139 500 აბონენტი, მას წილის (კვოტის) შევსება შეუძლია მხოლოდ იმ შემთხვევაში თუ ეს არ გამოიწვევს აბონენტთა საერთო რაოდენობაში მისი წილის 1%-ზე მეტით გაზრდას. თუ მიმწოდებელ „A“-ს მიმართავს სხვა შემსყიდველი ორგანიზაცია, რომელსაც ჰყავს 2000 თანამშრომელი, მომსახურების გაწევის მოთხოვნით, ასეთ შემთხვევაში შემსყიდველი ორგანიზაცია მიიღებს უარს. მიზეზი იქნება ის, რომ ახალი შემსყიდველი ორგანიზაციის დამატების შემთხვევაში მიმწოდებელი „A“-ს წილის (კვოტა) 140 000 აბონენტი) შევსება მოხდება აბონენტთა საორიენტაციო რაოდენობაში მისი წილის 1%-ზე მეტით გაზრდით. კერძოდ $((139\ 500 + 2\ 000) - (140\ 000 + 1\ 400) = 100)$ ასი აბონენტით.

4.2 დაუშვებელია ერთი შემსყიდველი ორგანიზაციის აბონენტთა განაწილება ერთზე მეტ გამარჯვებულ პრეტენდენტთან, გარდა ისეთი უწყებისა, რომლებიც ახორციელებენ ოპერატიულ ან/და სამხედრო ფუნქციებს.

4.3 კონსოლიდირებული ტენდერის მიმდინარეობისას გამარჯვებულ მიმწოდებლებს შორის, შემსყიდველი ორგანიზაციებისა და აბონენტების პორტირების პროცედურების განხორციელებისას მხარეებმა უნდა იმოქმედონ საქართველოს კომუნიკაციების ეროვნული კომისიის 2010 წლის 6 ივლისის №3 დადგენილებით განსაზღვრული შესაბამისი რეგულაციების შესაბამისად.

4.4 კონსოლიდირებულ ტენდერში მონაწილეობის მიღებით, მიმწოდებლები კისრულობენ ვალდებულებას, არ შეაფერხონ და ხელი შეუწყონ შესაბამისი კორპორატიული ნომრების პორტირების პროცესს (ასეთის საჭიროების შემთხვევაში).

4.5 საქართველოს კომუნიკაციების ეროვნული კომისიის 2010 წლის 6 ივლისის №3 დადგენილებით დამტკიცებული „სააბონენტო ნომრების პორტაბელურობის შესახებ“ დებულების მე-5 მუხლის მე-3 პუნქტის „დ“ ქვეპუნქტის თანახმად, სააბონენტო ნომრის პორტირება იზღუდება იმ შემთხვევაში, თუ „პორტირების მსურველ პირს, იმ სააბონენტო ნომერზე, რომლის პორტირებასაც ითხოვს, დონორი ოპერატორისგან მიღებულ მომსახურებაზე გააჩნია წინა თვის/თვეების დავალიანება, ან/და დავალიანების გამო შეზღუდული აქვს მომსახურების მიწოდება“. ამდენად, ცალკეულ სააბონენტო ნომერზე დავალიანების არსებობა არ წარმოადგენს მთლიანად შემსყიდველი ორგანიზაციისათვის პორტირებაზე უარის თქმის საფუძველს.

4.6 იმ შემთხვევაში, თუ ადგილი აქვს შემსყიდველი ორგანიზაციების კორპორატიული სააბონენტო ნომრების პორტირების პროცესის შეფერხებას და ამის მიზეზად მითითებულია ცალკეულ სააბონენტო ნომრებზე რიცხული დავალიანება, შემსყიდველ ორგანიზაციებს შეუძლიათ მოსთხოვონ შესაბამის ოპერატორს წინა თვის/თვეების დავალიანების (არა მიმდინარე დავალიანების) მქონე სააბონენტო ნომრების ამომწურავი სია, ასეთი დავალიანების ზუსტი მოცულობის, წარმოშობის წყაროებისა და ასეთი დავალიანების დასადგენად აუცილებელი სხვა გარემოებების მითითებით.

მუხლი 5. შესყიდვის ობიექტის ფასის განსაზღვრა და ანგარიშსწორების პირობები

5.1 შესყიდვის ობიექტის ფასები განისაზღვრება წინამდებარე სატენდერო დოკუმენტაციის დანართით წარმოდგენილი ფიჭური კავშირგაბმულობის მომსახურების ტარიფებით.

5.2 ანგარიშსწორება მოხდება უნაღდო ანგარიშსწორების ფორმით ეროვნულ ვალუტაში და უნდა მოიცავდეს საქართველოს კანონმდებლობით დადგენილ ყველა გადასახადს. მიმდინარე თვეს გაწეული მომსახურების დაანგარიშება და შესაბამისი ანგარიშ-ფაქტურის შემსყიდველი ორგანიზაციისთვის წარდგენა უნდა მოხდეს ყოველი მომდევნო თვის 10 რიცხვამდე. შემსყიდველი ორგანიზაცია ვალდებულია მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშ-ფაქტურის შემსყიდველი ორგანიზაციის მიერ დადასტურების შემთხვევაში, ანგარიშსწორება მოხდება ყოველთვიურად გაწეული მომსახურების მიხედვით გამოწერილი საგადასახადო ანგარიშ-ფაქტურის წარმოდგენიდან 10 სამუშაო დღის ვადაში.

5.3 შემსყიდველ ორგანიზაციებს, გამონაკლის შემთხვევაში, ოპერატიული საქმიანობის განხორციელების საჭიროებიდან გამომდინარე, უფლება აქვთ შესაბამისი გამარჯვებული პრეტენდენტისგან მომსახურება შეისყიდონ წინასწარი გადახდის (მაგ. წინასწარი გადახდის ბარათები) პირობით.

მუხლი 6. შემსყიდველ ორგანიზაციასა და მიმწოდებელს შორის გასაფორმებელი ხელშეკრულებების ძირითადი პირობები, მხარეთა უფლებები და ურთიერთვალდებულებები

6.1 შემსყიდველ ორგანიზაციასა და გამარჯვებულ პრეტენდენტს შორის გასაფორმებელი ხელშეკრულებების პირობები განისაზღვრება წინამდებარე სატენდერო დოკუმენტაციით, „სახელმწიფო შესყიდვების შესახებ“ საქართველოს კანონით, სახელმწიფო შესყიდვების სააგენტოს თავმჯდომარის 2012 წლის 26 დეკემბრის №18 ბრძანებით დამტკიცებული ფიჭური კავშირგაბმულობის მომსახურების კონსოლიდირებული ტენდერის ჩატარების წესისა და პირობების, აგრეთვე სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესისა და ფიჭური კავშირგაბმულობის მომსახურების შესყიდვის კონსოლიდირებული ტენდერის თავისებურებათა გათვალისწინებით.

6.2 თანამშრომელს უფლება აქვს ისარგებლოს შემსყიდველი ორგანიზაციის ბალანსზე რიცხული, კორპორატიულ ქსელში ჩართული მხოლოდ ერთი სააბონენტო ნომრით.

6.3 სამსახურებრივი საჭიროებიდან გამომდინარე, განსაკუთრებულ შემთხვევებში, კონკრეტულ თანამშრომელზე შესაძლებელია შემსყიდველი ორგანიზაციის ბალანსზე რიცხული მეორე სააბონენტო (პირადი) ნომრის გაცემა, რომელიც განკუთვნილი იქნება პლანშეტური კომპიუტერისთვის მხოლოდ ინტერნეტის სარგებლობის ფუნქციით. თანამშრომელზე მეორე სააბონენტო (პირადი) ნომრის გაცემა შესაძლებელია ოპერატიული საქმიანობიდან გამომდინარე.

6.4 თანამშრომელს უფლება აქვს აიღოს კორპორატიულ ქსელში ჩართული, ფიზიკურ პირზე გაფორმებული, დამატებით მხოლოდ ერთი სააბონენტო ნომერი, რომელიც განკუთვნილია მხოლოდ ოჯახის წევრისთვის (მშობელი ან მეუღლე ან შვილი). შემსყიდველი ორგანიზაცია არ არის ფინანსურად პასუხისმგებელი ასეთ სააბონენტო ნომერზე.

6.5 გამარჯვებული პრეტენდენტი ვალდებულია ფიჭური კავშირგაბმულობის მომსახურების სახელმწიფო შესყიდვის შესახებ ხელშეკრულება (შემდგომში - ხელშეკრულება) დადოს 1.2 პუნქტით გათვალისწინებულ ყველა შემსყიდველ ორგანიზაციასთან, 4.1 პუნქტით დადგენილი მოთხოვნების დაცვით.

6.6 შემსყიდველმა ორგანიზაციებმა ხელშეკრულების გაფორმებისას, დანართის სახით გამარჯვებული პრეტენდენტს უნდა წარუდგინონ ინფორმაცია საშტატო ნუსხების (მათ შორის შტატგარეშე მოსამსახურეების), ასევე თანამშრომლებზე (მათ შორის შტატგარეშე მოსამსახურეებზე) და არათანამშრომლებზე (ოჯახის წევრებზე) გაცემული სააბონენტო ნომრებისა და შემსყიდველი ორგანიზაციის მიერ დამტკიცებული თანამშრომელთა ფიჭური კავშირგაბმულობის მომსახურებით სარგებლობის ლიმიტების შესახებ, ურთიერთშეთანხმებული ფორმით.

6.7 ხელშეკრულებაში მითითებული ნომრების რაოდენობა, ასევე შემსყიდველი ორგანიზაციის მიერ დამტკიცებული თანამშრომელთა ფიჭური კავშირგაბმულობის მომსახურებით სარგებლობის ლიმიტები საორიენტაციო ხასიათისაა და შესაძლებელია შეიცვალოს ხელშეკრულების მოქმედების პერიოდში.

6.8 შემსყიდველი ორგანიზაცია და მიმწოდებელი ვალდებული არიან, სატენდერო კომისიის მოთხოვნის შესაბამისად, სატენდერო კომისიას წარუდგინონ განახლებული ინფორმაცია საშტატო ნუსხების (მათ შორის შტატგარეშე მოსამსახურეების), შემსყიდველი ორგანიზაციის მიერ დამტკიცებული თანამშრომელთა ფიჭური კავშირგაბმულობის მომსახურებით სარგებლობის ლიმიტების, თანამშრომლებზე (მათ შორის შტატგარეშე მოსამსახურეებზე) და არათანამშრომლებზე (ოჯახის წევრებზე) გაცემული სააბონენტო ნომრების და ხელშეკრულების მოქმედების პერიოდში პორტირებული აბონენტების შესახებ, სატენდერო კომისიის მიერ დადგენილი ფორმით.

6.9 მიმწოდებელი ვალდებულია, სატენდერო კომისიის მოთხოვნის შესაბამისად, სატენდერო კომისიას წარუდგინოს ინფორმაცია წინა თვის განმავლობაში გაწეული მომსახურების შესახებ, სატენდერო კომისიის მიერ დადგენილი ფორმით.

6.10 შემსყიდველი ორგანიზაციის მიერ გამარჯვებულ პრეტენდენტთან და სატენდერო კომისიასთან წარდგენილი ინფორმაცია დადასტურებული უნდა იყოს შემსყიდველი ორგანიზაციის შესაბამისი უფლებამოსილი პირის მიერ.

6.11 შემსყიდველ ორგანიზაციებს აქვთ უფლებამოსილება, არათანამშრომლებზე გაცემულ ან სამომავლოდ გასაცემ კავშირგაბმულობის ნომრებზე მოიპოვონ შესაბამისი ინფორმაცია (მფლობელის სახელი, გვარი და პირადი ნომერი) და განახორციელონ მკაცრი მონიტორინგი არათანამშრომლებზე გაცემული სიმბარათების არამიზნობრივად და არაკეთილსინდისიერად გამოყენების თავიდან აცილების მიზნით.

6.12 მიმწოდებელი ვალდებულია:

ა) შემსყიდველი ორგანიზაციის მიმართვის საფუძველზე, დაიწყოს მასთან ხელშეკრულების გაფორმების პროცედურები და დაასრულოს აღნიშნული პროცედურები არაუგვიანეს 2016 წლის 31 იანვრისა. ასევე დაიწყოს ნომრის პორტირების პროცედურები (ასეთის საჭიროების შემთხვევაში).

ბ) არ შეაფერხოს და ხელი შეუწყოს შესაბამისი კორპორატიული ნომრების პორტირების პროცესს (ასეთის საჭიროების შემთხვევაში).

გ) ფიჭური კავშირგაბმულობის მომსახურების ხარისხის გაუმჯობესების მიზნით, აბონენტთა მომსახურების ოპერატორთან დაკავშირების დროს, მოლოდინის რეჟიმში პრიორიტეტი მიანიჭოს შემსყიდველ ორგანიზაციას.

დ) მომსახურების ხარისხის გაუმჯობესების მიზნით, უზრუნველყოს მის ქსელში გამოვლენილი ხარვეზების აღმოფხვრა, მათ შორის სატენდერო კომისიის შესაბამისი მითითების საფუძველზე.

ე) უზრუნველყოს, რომ უწყვეტი ზარის ხანგრძლივობა იყოს არანაკლებ 30 წუთი.

ზ) შემსყიდველი ორგანიზაციის წერილობითი მიმართვიდან არაუგვიანეს 5 სამუშაო დღის ვადაში, გააფორმოს მასთან ხელშეკრულება ან არგუმენტირებული წერილობითი უარი განაცხადოს ხელშეკრულების გაფორმებაზე.

თ) ფიჭური კავშირგაბმულობის მომსახურების 2017-2018 წლების კონსოლიდირებული ტენდერის ჩატარების შეთხვევაში, აღნიშნული კონსოლიდირებული ტენდერის ფარგლებში ხელშეკრულებების გაფორმებისა და შესაბამისი პორტირების პროცედურების დასრულებამდე, შემსყიდველ ორგანიზაციებს გაუგრძელოს ფიჭური კავშირგაბმულობის მომსახურების მიწოდება წინამდებარე სატენდერო დოკუმენტაციის პირობების შესაბამისად.

ი) უზრუნველყოს ხელშეკრულებითა და კონსოლიდირებული ტენდერით ნაკისრი ვალდებულებების შესრულება და მიაწოდოს შემსყიდველ ორგანიზაციას ხარისხიანი და შეუფერხებელი მომსახურება.

6.12 შემსყიდველი ვალდებულია:

ა) 2016 წლის 20 იანვრიდან უზრუნველყოს გამარჯვებულ პრეტენდენტთან ხელშეკრულების გაფორმების პროცედურების დაწყება და დაასრულოს ისინი 2016 წლის 31 იანვრამდე. უზრუნველყოს მიმწოდებლისათვის დასაპორტირებელი ნომრების მიწოდება (ასეთის საჭიროების შემთხვევაში).

ბ) 6.11 მუხლის „ა“ ქვეპუნქტით გათვალისწინებულ შემთხვევაში, პორტირების პროცედურების დასრულებამდე (ასეთი საჭიროების შემთხვევაში), უწყვეტი ფიჭური კავშირგაბმულობის მომსახურებით უზრუნველყოფის აუცილებლობიდან გამომდინარე, ფიჭურ კავშირგაბმულობის მომსახურებას შეისყიდონ CON150000012 კონსოლიდირებულ ტენდერში გამარჯვებული მიმწოდებლისგან, კონსოლიდირებულ ტენდერში (CON150000012) შეთავაზებული ტარიფებით.

გ) დანართის სახით გამარჯვებულ პრეტენდენტს წარუდგინოს ინფორმაცია სამტატო ნუსხების (მათ შორის შტატგარეშე მოსამსახურეების), ასევე თანამშრომლებზე (მათ შორის შტატგარეშე მოსამსახურეებზე) და არათანამშრომლებზე (ოჯახის წევრებზე) გაცემული სააბონენტო ნომრებისა და შემსყიდველი ორგანიზაციის მიერ დამტკიცებული

თანამშრომელთა ფიქური კავშირგაბმულობის მომსახურებით სარგებლობის ლიმიტების შესახებ, ურთიერთშეთანხმებული ფორმით.

დ) თანამშრომლის გათავისუფლებისთანავე მოახდინოს შესაბამისი მიმწოდებლის ინფორმირება აღნიშნულის თაობაზე და უზრუნველყოს გათავისუფლებული თანამშრომლისათვის ნომრის გადაცემა, თუ ეს არ ეწინააღმდეგება შემსყიდველი ორგანიზაციის ინტერესებს.

6.14 ხელშეკრულების მოქმედების პერიოდში შემსყიდველ ორგანიზაციასა და გამარჯვებულ პრეტენდენტს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან/და საქართველოს კანონმდებლობით დადგენილი წესით.

6.15 ხელშეკრულების მოქმედების პერიოდში შემსყიდველ ორგანიზაციასა და გამარჯვებულ პრეტენდენტს შორის წარმოშობილი დავის შემთხვევაში, სატენდერო კომისია

უფლებამოსილია, ინფორმაციის მოპოვების მიზნით, მიმართოს საქართველოს კომუნიკაციების მარეგულირებელ ეროვნულ კომისიას.

მუხლი 7. დასკვნითი დებულებანი

7.1 სატენდერო კომისიასთან მიმოწერა კონსოლიდირებულ ტენდერთან დაკავშირებული ნებისმიერ საკითხზე ხორციელდება შემდეგი ელექტრონული ფოსტის მეშვეობით: mobile2016@spa.gov.ge. აღნიშნული ელექტრონული ფოსტის საშუალებით გაგზავნილი კორესპონდენცია წარმოადგენს იურიდიული ძალის მქონე დოკუმენტებს.

და ნ ა რ თ ი

ფიქური კავშირგაბმულობის მომსახურების ძირითადი პირობები და ტარიფები				
N	სერვისი	ერთეული	მაქსიმალური ტარიფი (ლარში)	დამატებითი პირობა
1	სიმ-ბარათის ღირებულება		0	
1.1	ორნომრიანი სიმ-ბარათის ღირებულება		0	
1.2	სიმ-ბარათის შეცვლა/აღდგენის ღირებულება		0	

2	ფიქსირებული გადასახადი (VPN) თანამშრომლის შემთხვევაში	ერთ ნომერზე	0	
2.1	ფიქსირებული გადასახადი (VPN) არათანამშრომლის შემთხვევაში	ერთ ნომერზე	1	
3. სასაუბრო ტარიფები				
3.1	კორპორატიული აბონენტების საუბრები პროვაიდერი კომპანიის ქსელში კორპორატიულ აბონენტებთან	ერთი წუთი	0	
3.2	კორპორატიული აბონენტების საუბრები პროვაიდერი კომპანიის ქსელში არაკორპორატიულ აბონენტებთან	ერთი წუთი	0	ზარის წამოწყების ღირებულებაა 0.05 ლარი
3.3	კორპორატიული აბონენტების საუბრები პროვაიდერი ქსელის გარეთ სხვა მობილური ოპერატორების კორპორატიულ/არაკორპორატიულ აბონენტებთან	ერთი წუთი	0	ზარის წამოწყების ღირებულებაა 0.05 ლარი

3.4	კორპორატიული ნომრებისათვის სასაუბრო ტარიფები Beeline-ის აბონენტებთან	ერთი წუთი	0.035	კანონმდებლობით ტარიფის შემცირების შემთხვევაში, მიმწოდებელმა შესაბამისად უნდა შეამციროს ამ პუნქტით გათვალისწინებული ტარიფი და პროვაიდერებს შორის ტარიფის გათანაბრების შემთხვევაში გაუტოლდეს ამ დანართის 3.3 პუნქტში არსებულ ტარიფს.
3.5	კორპორატიული ნომრებისათვის სასაუბრო ტარიფები Silknet S1-ის აბონენტებთან	ერთი წუთი	0.148	კანონმდებლობით ტარიფის შემცირების შემთხვევაში, მიმწოდებელმა შესაბამისად უნდა შეამციროს ამ პუნქტით გათვალისწინებული ტარიფი და პროვაიდერებს შორის ტარიფის გათანაბრების შემთხვევაში გაუტოლდეს ამ დანართის 3.3 პუნქტში არსებულ ტარიფს.
3.6	კორპორატიული ნომრებისათვის სასაუბრო ტარიფები გლობალსელის აბონენტებთან	ერთი წუთი	0.148	
3.7	კორპორატიული ნომრებისათვის სასაუბრო ტარიფები ჯი-მობაილის აბონენტებთან	ერთი წუთი	0.148	

3.8	კორპორატიული ნომრებისათვის სასაუბრო ტარიფები ფიქსირებული ქსელების აბონენტებთან	ერთი წუთი	0.07	ზარის წამოწყების ღირებულებაა 0,05 ლარი
4. მოკლექსტური შეტყობინებები (SMS) ტარიფები				
4.1	SMS-ის ტარიფი პროვაიდერი კომპანიის კორპორატიული ქსელის შიგნით კვოტის ფარგლებში ყველა აბონენტისათვის	ერთი SMS	0	
4.2	SMS-ის ტარიფი პროვაიდერი კომპანიის ქსელში	ერთი SMS	0.01	
4.3	SMS-ის ტარიფი სხვა მობილურ ოპერატორების (მათ შორის საერთაშორისო) აბონენტებთან	ერთი SMS	0.01	გარდა მიმწოდებლის სატენდერო წინადადებით გათვალისწინებული გამონაკლისებისა
4.4	ჯგუფური SMS (BULK SMS)	ერთი SMS	0.0025	კონსოლიდირებულად 1 მილიონი და მეტი SMS. სატენდერო წინადადების მოქმედების პერიოდში
4.5	SMS მდივანი	ერთი დღე	0.05	
5. როუმინგული მომსახურების პირობები				
5.1	როუმინგის აქტივაცია		0	
5.2	როუმინგის დეპოზიტის ოდენობა		0	

5.3	როუმინგის შემომავალი ზარი	ერთი წუთი	0.5	გარდა მიმწოდებლის სატენდერო წინადადებით გათვალისწინებული გამონაკლისებისა
-----	---------------------------	-----------	-----	--

6. მულტიმედიის ტარიფები

6.1	GPRS-ის აქტივაცია		0	
6.2	GPRS	ერთი MB	0.2	
6.3	MMS სერვისის აქტივაცია		0	
6.4	MMS-ის გზავნილი	ერთი გზავნილი	0.05	
6.5	MMS-ის გზავნილი საზღვარგარეთ	ერთი გზავნილი	1	
6.6	ვიდეოზარისა და მობილური ტელევიზიის სერვისის აქტივაცია		0	
6.7	ვიდეოზარი	ერთი წუთი	0.24	
6.8	მობილური ტელევიზია	ერთი წუთი	0.1	

7. ინტერნეტ მომსახურების პირობები

7.1	ინტერნეტის ჩართვა		0	
7.2	1 MB		0.2	3.5მბ/წმ-21მბ/წმ
	მოცულობითი პაკეტები			
7.3	30 MB		0.49	
7.4	50 MB		0.99	

7.5	500 MB		1.99	
7.6	1GB		2.99	
7.7	5GB		3.99	

7.8	15GB		4.99	
7.9	SMS-ის ან ვებპორტალის მეშვეობით შესაძლებელი უნდა იყოს ინტერნეტ პაკეტის ამოწურვის კონტროლი			ვადის ამოწურვისას, ახალი პაკეტის შეძენის შემთხვევაში, დარჩენილი (ძველი) ლიმიტის გააქტიურება

9. სხვა მომსახურების პირობები

9.1	დაფარული ნომრის სერვისის აქტივაცია		0	
9.2	გამოტოვებული ზარების შეტყობინების აქტივაცია		0	
9.3	ნომრის ამომცნობი სერვისის აქტივაცია		0	
9.4	ბალანსის შემოწმება		0	
9.5	დეტალური ამონაბეჭდი		0	
9.6	დამრგვალება		1 წამი	
9.7	ნომრის გადაფორმება ორგანიზაციიდან კერძო პირზე და პირიქით		0	

10. GPRS VPN მომსახურება

მოცულობითი პაკეტები

10.1	150 MB		3	
------	--------	--	---	--

10.2	500 MB		5	
10.3	1 GB		7	
11.1	ბლექბერის სერვისი BIS	ერთი თვე	14.5	
11.2	ბლექბერის სერვისი BES	ერთი თვე	45	